



5320
5442
:8

104
844
20





亦政堂重修宣和博古圖錄卷第六



尊壘揔說

尊一 一十八器

商 一十四器

持刀父癸尊 銘三字

祖戊尊 銘五字

雌尊 銘八字

父己尊 銘三字

辛尊 銘三字

父乙尊 銘五字

父丁尊 銘二字

立戈癸尊 銘四字

從尊 銘上字

祖丁尊 銘五字

兄丁尊 銘八字

持刀父己尊 銘七字

諫尊 銘七字

龍鳳方尊

周 四器

月星尊 銘四字


召公尊 銘七十二字

高克尊 銘五十八字

師觶尊 銘二十二字

摠說


在昔三代盛時凡酌獻裸將通用於人神之
際故酌獻用於人亦用於神裸將所以禮神
亦所以禮人是以尊壘彝舟相為先後而行
之然周官冢人先尊以尊尊而彝卑小宗伯
先彝以言其用則先彝耳彝用以裸既裸則
已尊用以飲飲則必有繼之者故繼之必資
諸壘此詩所謂餅之罄矣維壘之耻之義也




於司尊彝之職有六尊言其數復言其名酒
正之職有八尊言其數不言其名者蓋八尊
所以廣六尊之數也至于壘則一種而已有
六壘所以副六尊耳夫尊有六而在周則設
官以司之辨其用與其實故有謂之獻謂之
象則凡春祠夏禴其朝踐再獻之所用也謂
之著謂之壺則凡秋嘗冬烝其朝獻饋獻之
所用也謂之泰謂之山則凡追享朝享其朝
踐再獻之所用也若夫爾雅不言尊而曰彝
卣壘器也者謂彝卣壘皆盛酒尊意其尊必
有壘亦猶彝之有舟此又一家之說也且尊
之用於世久矣泰尊虞氏之尊也山壘夏后
氏之尊也著商尊也犧象周尊也合而言之
揔謂之尊彝以周兼四代之禮故皆有之周
官言六尊者兼得而用之也捨周官而見於
他傳則分而言之故有所謂上尊曰彝中尊

博古圖錄 卷六 四
曰卣下尊曰壺凡以彝之為常也故曰上尊
而已在商之世以質為尚而法度之所在故
器之所載皆曰彝至周之文武制作未備商
制尚或存者則尊彝之名間未易焉今召公
尊文考尊皆周時器而亦謂之彝蓋本諸此

商持刀父癸尊






孫父癸
形刀


右高九寸二分深八寸口徑七寸八分腹徑
七寸五分容六升重七斤十有二兩銘三字
是尊狀觚形而所容則倍之設飾雖華而字
畫極古銘之父癸癸者成湯之父號且銘者
自名自名以稱揚其先祖之美而明著之後
世者也故於父癸而言孫者亦自名之而已
所謂身比焉順也者是歟

商祖戊尊




作祖戊
 尊彝

作祖戊
 尊彝



右高一尺一寸七分深八寸六分口徑八寸三分腹徑四寸容五升八合重八斤五兩銘五字此尊為太戊作不書名尊其祖也太戊之廟在商稱中宗蓋九世君也是器字畫位置不拘於偏旁之陋或左而右或右而左點畫或繁或省故以△謂之祖烈謂之尊而純質未鑿於世俗之習渾厚端雅若有道之士觀是器者豈不改觀歛衽耶

可准尊



蓋


五

五

器



周作父乙
尊彝形




右通蓋高六寸二分深四寸一分口徑三寸三分腹徑三寸五分容一升一合共重一斤二兩蓋器銘共八字周官謂四時之間祀追享朝享裸用鬯雖彝皆有舟其朝踐用兩大尊今尊也而以雖豈非商之雖彝所配之尊耶今考禮圖雖彝之制雖尾長數尺似獺尾末有岐是器款識旁刻獸形其尾長而末有岐正雖也蓋銘曰五紀其器之數曰周作父


博古圖錄

卷六


乙者蓋商有太史周任乙則商之君名乙者也豈非作之者周任耶



商父己尊




右高八寸六分深七寸口徑六寸六分腹徑
 四寸八分容三升二合重三斤十有二兩銘
 三字上有畫作禹狀夫禹炊器也尊以盛酒
 而取銘於禹者王安石謂禹空二足氣自是
 通上下則禹之為用欲其通而已用禹識尊
 凡欲交通而無間耳曰父己者商之雍己也
 凡器之銘有曰祖曰父曰伯曰姁各因其人
 而銘之也禹作畫形殆河圖洛書之遺意非




父己


象形
禹字
父己

書家八法所可議也



商辛尊







右高八寸五分深七寸口徑六寸八分腹徑三寸七分容三升一合重三斤銘三字曰亞者次也或主於獻或主於器蓋未可以定論也商之君以辛名者多矣曰祖辛曰小辛曰廩辛而此言人辛者按商立戈癸尊其銘亦稱曰人則人辛者乃商君之號辛者耳且此君也而謂之人蓋二帝而上體天以治人故謂之帝帝也者天道也三代而下修人以奉

天故謂之王王也者人道也故記禮者稱商
曰商人周曰周人者蓋如此觀是器不銘功
不載誓宜其後世泯滅而無聞矣今也千萬
世而下人得而想見之此所謂其人亡而其
政存者類矣且夫政存猶得而考之矧乃託
之金石而禮之所藏正在於是則考之固不
謬矣

商父乙尊






孫冊冊父乙

右高八寸八分深七寸口徑六寸八分腹徑
 四寸五分容三升重三斤十有二兩銘五字
 凡人君錫有功必為冊書以命之此孫為父
 乙作而亦曰冊者蓋為孫者有勤王之功焉
 然後得作彝器而銘之祖此所以言用命也
 既謂之孫其視乙也當尊為祖而此曰父者
 蓋祖考雖殊謂之父則一所謂大父者是也
 夫商以乙為號者六曰執乙曰天乙曰祖乙

曰小乙曰武乙曰太乙而父乙者未知其為
何乙觀其刻作兩冊切於形似非尚質無以
及此若夫周人務為簡約而忽於取象為卣
卣之形雖有內史策命之臣以掌之而商之
純古固已變矣


商父丁尊




父丁

右高八寸三分深七寸口徑六寸七分腹徑四寸容三升六合重三斤九兩銘二字父丁作是尊特載銘而不侈其文商世質有餘故宜如此純足皆素當中為後理即兩端分寫夔龍形若相追逐以為先後色幾渥赭而綠花萍綴其古意寂為觀美與商父乙尊無異也


商立戈癸尊






右高八寸九分深七寸六分口徑六寸九分
 腹徑四寸一分容三升九合重四斤八兩銘
 四字文飾甚簡而腹間有雲雷之狀上一字
 作立戈形王安右云戈从一不得已而用欲
 一而止今尊酒器也而畫立戈之狀不特如
 鼎之節飲食又欲一而止之不至於流湎也
 故凡酒器制字之義必示其戒曰人癸則謂
 商之主癸也主癸子天一是為成湯乃知是

尊為湯宗廟孝享之器明矣於癸曰人癸蓋
與辛尊言人辛之意同



商從尊




作從尊

止

右高六寸三分深五寸一分口徑五寸四分
 腹徑三寸五分容二升二合重一斤九兩銘
 三字曰作從謂從器也曰單謂姓也周之單
 族最為大姓則知其原有出於此蓋昔人作
 器有以名姓書諸銘文之上者如曰單作從
 彝有以名姓書其下者如曰甚作父戊寶尊
 沈子與夫此器曰作從單皆以姓書其下也
 商之時尚質故其語略耳


商祖丁尊




孫立旗
 作祖丁

右高八寸三分深六寸九分口徑六寸四分
腹徑三寸五分容三升重二斤銘五字曰孫
作祖丁旁一字畫旗狀商畫類取諸物以為
形此作旗亦取其書功太常之義銘孫者蓋
孫可以為王父尸而是器又知其為祭享之
用祖丁者商祖辛之子觀其器質渾厚文鏤
純簡知所以為商物故不待考其銘載而後
辨也


商兄丁尊





盖

器




兄丁大雞

音釋同前

右通盖高七寸二分深四寸六分口徑長四寸二分闊三寸七分腹徑長四寸六分闊四寸容二升一合共重二斤十有五兩盖器銘共八字曰兄丁大其一字作雞形銘兄丁者

當是其弟為兄作此尊也按商有沃丁仲丁武丁庚丁太丁之別然以兄弟傳國者獨有太康外壬而太康之兄曰沃丁外壬之兄曰仲丁蓋不知其太康與外壬作也銘雞者按周官司尊彝六彝有雞六尊無雞此尊也而以雞銘之者恐商之世其制未分耳周之禮樂庶事備則於是尊彝析而為二焉以理求之則尊與彝是或一道也

商持刀父己尊







子持父已
寶尊彝

右高六寸四分深五寸六分口徑六寸一分
 腹徑四寸容二升有半重二斤三兩銘七字
 曰作父已寶尊彝其上復作子字狀持刀形
 蓋商器固有執戟荷戈與此持刀之狀者豈
 其者定武功而後世享於宗廟者必銘諸器
 如樂之武舞也父已者雍已也雍已之子是
 為太戊為其父作是器耳然而商器復有曰
 祖已者又因其孫而言之蓋莫不有謂也商

尚簡嚴故其詞如此



商諫尊




亞月諫止
父已尊彝

○諫作
父已尊彝


右高三寸八分深三寸一分口徑長三寸四分闊二寸七分腹徑長三寸八分闊二寸容八合重十有二兩銘七字上一字未詳曰諫作父己尊彝諫當是其父己之子名言諫得以作是器以薦於考廟也然是器在尊為特小比解則加闊而不類且歸之尊者以其形制則然又其名曰尊彝也豈往古彝器亦固有小大輕重之別以稱其人之所享歟

商龍鳳方尊






右高九寸八分深八寸一分口徑五寸六分
腹徑七寸四分容一斗四升六合重一十斤
無銘是器尊也製造純古其上為龍首四稜
為鳳形周以雲雷蓋龍以取其升降自如鳳
以取其因時隱顯雷取其奮豫雲取其需澤
飲食燕樂而節文之禮有在其中其狀近類
方壺蓋周官尊有六而饋獻用兩壺尊故下
尊亦有所謂壺者是尊所以比他器而方者
其取象於壺制焉

王黼曰龍鳳方尊製作純古其上為龍
角虬然下卷四廉為鳳遍鏤黃目饗饗
雲雷之文蓋商器也




周月星尊







右高一尺二寸五分深九寸一分口徑七分
腹徑二寸七分容三升三合重五斤八兩銘
四字作月星狀而上下為禾稼之形攷周官
司尊彝裸用斝彝禮圖以斝讀為稼而以禾
為飾此尊也疑祭饗之禮昔人所嚴而六尊
用於祭饗者自有定名也若夫祭饗之外或
用於講禮示情文之際則亦無所不致其義
月有邈明之道星有拱北之理禾有養人之

實凡取以為飾者當以是為義焉蓋銘之斯
 所以戒之也 按薛尚功亦作月季尊



周召公尊



蓋





王大召公族于庚辰
旅王錫中馬自貫
侯四駟南宮。王曰
用先中執王休用
作父乙寶尊鼎


器





音釋同前

右通蓋高六寸七分深四寸一分口徑長四寸五分闊三寸八分腹徑長五寸四分闊四寸二分容一升七合共重二斤有半蓋器銘共七十二字內一字未詳按召公奭在成王時作保封于燕其國僻小不通諸夏至簡公已二十九世乃齒諸侯又十一世而燕始亡此器乃周王褒大召公之族于其廟之器也又旅陳其王所錫之馬駢駢衆多也錫馬蕃

庶駢于南宮南宮亦廟也此所謂褒大之也
 乙者父之名王褒大於廟為其父作此寶器
 乃周家召公子孫之酒彝也古人恭慎凡酒
 器執之恐隊觚亦酒器也為稜以礙手狀如
 今之屋脊故後人以屋脊謂之觚稜者是也
 此彝有五指痕執之而不隊失以示其謹於
 禮今此指痕以蠟為模以指按蠟所成也其
 曰王大出字當為召又疑作見字蓋象形之
 意古文馬作而文𩇑字旁作此小異變
 體爾其間王字下畫差重蓋尊王有土之意
 諸鼎斝中王字多如此或大於別字



周高克尊






唯十有六年
十月既生霸
乙未伯太師
錫伯克僕山
夫伯克敢對
揚天佑王伯
友用作朕穆
考後仲尊高
克用屆眉壽
無疆克克其
子孫永寶用享

右高一尺五寸五分深一尺三寸三分口徑
四寸六分腹徑一尺容二斗二升有半重一
十一斤兩耳連環銘五十八字曰克敢對揚
天佑用作朕穆考後仲尊高克用丐眉壽高
克者不見於他傳惟周末衛文公時有高克
將兵後卒奔於陳疑克者迺斯人歟若爾則
是器蓋衛物也其曰作朕穆考則又言宗廟
之制也蓋天子有三昭三穆與太祖之廟而

七諸侯有二昭二穆與太祖之廟而五至於
言考則不特止其父而已故謂其大父曰王
考謂其曾祖曰皇考謂其高祖曰顯考此其
言穆考之法也周室至於春秋諸侯分裂之
時其世雖衰而至於典刑文物者尚在於是
立言有如此者

周師觶尊






王汝上侯師
 錫師餘金餘
 則對揚乃德
 用作乃文考
 寶彝孫子寶

右高六寸七分深六寸五分口徑六寸三分
 腹徑三寸八分容二升六合重三斤六兩銘
 三十二字曰汝上侯者上侯猶上公以言其
 官曰師餘以言其人師餘既有王功於是王
 乃錫餘金而俾作彝以薦宗廟故又曰錫師
 餘金餘則對揚乃德用作乃文考寶彝其言
 文考與詩言文人同字書德以行而此器以
 在蓋德出於道以在亦篆籀之本意由此於

金石遺文每得以攷正其字畫之謬



亦政堂重修宣和博古圖錄卷第六

